


[www.BibleForChildren.org](http://www.BibleForChildren.org)

# От Иоанна 14



Иисус пилятақақ: «Қамнаси сығлылйхтыстыхпынаки,  
сиғимакитыху Кияғнық, сиғимакитыңъа хўаңалъю.  
Угльпихтуқ ныкаҳқақ Атама мыңтығани ынкām  
ятāхқусяхтуғнақамси ныкаҳқамың.»



«Таўатынъыҕисяқан уңипанъаянҕитамси.  
Ятāхқунъыҕмың апыҕйқумси тагинқихлъюңа  
тугуклъихлъықамси, хўаңамнитысқылъюси  
кияҳфимни.»



Иоанныңуңа, ухпықалгутқахпысиңа. Икфиқуңа  
лъпысистун қаюхляк Иисусым  
Атаныхпагульхан пикилью. Лъңакун


икфиқылтыпут нуқытутапут.




Агляхтыстыкәгуңа қйхқамун а́тқылғй Патмосымың  
қаюхлъяк уңипақыхкынка Кияғнығым акузитаңи,  
уңипақлъяю Иисусымың аюқылғй.



Таўаниңинақ Тағнығағнитуңа. Тәўа қилягми  
ысхағахка умйлгусик ақумутак, кина ақумгафтуқ.




Тәхкын нагақуғанка тамағағмың улимәғыт,  
қиягмылңұт, нунамылңұт, нунам асиңанилңұт,  
кыльйнилңұтлью.




Қамаһлытың пилғйт ақумгалғймунлью умйлгусигни  
ақумутағни, Пынйғағағмунлью: «Усюқилъыңитык,  
құлвалъыңитык, ниғухқылъыңитык,  
ахтуғьяхқанғилъылгутыклью  
қўнпырухлъяк кынлыңунан!»




Ысхағақалыю Аглығналғй Ныхляк,  
Иерусалимыграғақ, укилғй Кияғнығмың  
қиягмылңуғмың. Ныхляк ятаҳқылыюни  
угйғнақылғйм ульңақылъхатун угиминун.




Нагақуғақа ма игляхтупихлъық̄и ум̄илгусигның  
ақумутагның пилғ̄и: «Ысхақахукун, Кияғныңым  
кияҳфига югнитук! Кияҳфикылъық̄и ынк̄ам лъңит  
юкылъық̄и. Кияғнық лъңа катам лъңитнилъықук  
ынк̄ам лъңа Кияғнықылъық̄ат.»



Тәхкын яқулгым кылгувикәңа кйўыгның мәқылқйгның  
Кияғнығымлью, Пынъйғаҳәмлью умйлгусихкынка  
ақумутахкының. Уңувалъылитикаюгмың мылгык,  
мығрākыхтуткалқйк кристаллытун.



Ныҗлъяк сиқиныҗсюғнйтуқ, налиғмың  
танқиҗсюғнйтуқ ниғухкамың, қаюхлъяк ниғухқылъха  
Кияғнығым ниғукыхкаңа, Пынъйғахақлю  
кынылғутақыхкаңа.



Иўырңа ныҳлъягмун итығьяҳқāнҗитук сяңўā  
сығлық, талўа кина алңунак сығлығнатун  
писта, налиғмың иқлъяңиқыста.


Иўырңа ныҳлъягмун  
итығьяҳқāгут  
тамāкуңинаҳāt āтҳит  
игақңалҗйт Игāкун  
Уңувальҳым.  
Тāкут Игат  
Пынъйҗаҳām пикй.



«Қуниңиҳлъяқй қамахлъяюки.  
Туқуңйльықā, қивғуңйльықā,  
қияңйльықā, талўа  
ақниҳқыңйльықā қаюҳлъяк  
тамāкут атуқсяқаңит  
атуқнаниҳлъяқйт».



Сяңўа алңунак Кияғнығым нанқихтыкә  
ағьюғьяхқәлюку, ныҳлъягмынъянҗитук.  
Кияғнығымлью, Пынъяғахамлью умйлгусик  
ақумутахкыт ныҳлъягмысяхқәгук, Кияғнығымлью  
қыпхақтыңита  
манигуҳлъяқат.  
Хинә ысхаҳлъяқат,  
әтхалъю қаййтхун  
игақңалъяқук.




Ысхағанкалью туқуляғәткат, укалйўақльютыңлью,  
āңўāғўāқльютыңлью аюқылғйт. Ныкывғатңуфтут  
сивуңани умйлгусим ақумутахльягым. Тāхкын игат  
қыльпыхтйт, Игй Уңувальхым, игақуғвикыхкат  
ātхитның тамāкут уңуваяхқат қўнпырухльяк.


Иляңилью игалғутыт қыльпыхтйт  
игақуғвикыхкат туқукат  
кияхтāльхитның аюқылғйт.

Кияғнығым  
нанқихтй атуқльюки  
игақуқат игатхун.

Китум алңунак āтха  
игақумаңилңуқ Игāни  
Уңувальхым, милўосимāt  
нāйвам кынғанун.



Тағныҥаклыю, Угйҥнақылҥйлыю пйк: «Таги!»  
Тамахаҥмилыю нагальхй пили: «Таги!» Кина алңунак  
мықсюлҥй тагили; тугуклыиҥлигу акиңилңуқ мық  
уңувальылитикаюк.



Кияғнығым пиниқыпихтутминың нунам  
юга тўныхк̄а кызымаҳақ Иғныни. Иғныға  
китум алңунак ухпықыхкумигу  
туқун̄анғитуқ, иўырңа альхых  
л̄ық̄а кынлыңилңуқ  
уңувальық.



К Римлянам 3:23 қамаһлыютың сығлыққыһкәтмыһның.  
Ынкәм нӯхуткәгут Кияғнығым аңылъыһлъяганун.

К Римлянам 6:23 Акиһыһтӯся сығлықкыһлъяһым  
туқуһлъяһық; иһуырңа Кияғнығым акиңилңуқ тунуся  
кынлыңилңуғуқ уңуһалъық Христос Иисусыкун  
Атанымтыһун.

К Евреям 9:27 Тамаһағми туқуһаһқәлғи атәсиһағмың,  
ынкәм тәм киңуңаның Кияғнығым нанқихлъяқыһ.

К Ефесеһнам 2:8,9 Кияғнығым наңлыһхталъяһакун  
югуһликәгуси уһпықилъяһпысигун. Югуһилъяһыси  
льпысиһның пильқынғитаһси, Кияғнығым тунусяқә  
льпысинун. Югуһилъяһитйси апалъяуқлъяуку сяльыһси,  
ынкәм қукәюгуткысяһқақынғитаһси.



К Римлянам 10:9,10 Апқувгу қаныхпының: «Иисус  
Атанғунилюку», илюхпыныңлъя ухпықыхкувгу  
Кияғныңмун уңувахтысиманилюку туқулъяғмың,  
югулилъяңылъяқутын. Юк ухпыхтуқ илюмикун, ынкām  
Кияғныңым нальхусяғā ыльқуғутңалъяғминун. Апхāлъяю  
қанығмикун ухпықыхкани, ынкām югулилъяңуқ

От Иоанна 3:16,17 Кияғныңым пиниқыпихтутминың  
нунам юга тūныхкā кызымахақ Иғныни. Иғныға китум  
алңунак ухпықыхкумигу туқунāнғитуқ, иўырңа  
альхыхлъяқā кынлыңилңуқ уңувалъяқ.  
Кияғныңым каяхсимаңитā Иғныни нунамун  
ағьюғисқыльюку нунам юганың, каяхтыкақā  
югулиғистыңулюку югнун.



1е Иоанна 5:11-13 Уна Кияғнығым āпқақā,  
Кияғнығымңуқ т̄ныхкақй̄л̄ью кынлыңилңуғмың  
уңувалъығмың, т̄ана уңувалъық Иғнығанитуқ.  
Китум алңунак тугукл̄ьикумигу Иғныға, уңувалъылг̄ўқ;  
китум алңунак тугукл̄ьймаңилькумигу Иғныға  
Кияғнығым уңувалъыңыл̄х̄итуқ. Письмосиқанка  
там̄акут л̄пысинун ухпықилғ̄йнун āтҳаның Иғныған  
Кияғнығым, л̄пысинун л̄йсимақысқыл̄ьюку  
кынлыңилңуқ уңувалъыҳси.



От Иоанна 14; 2е Коринфянам 5;  
Откровение 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Yupik Central Siberian (NT (ess) © 2022, Wycliffe Bible  
Translators, Inc. All rights reserved.

<https://www.bible.com/bible/3222/MAT.1.ESS2>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

